

待旦樓詩詞稿

桂 中 樞 作

中國評論週報社出版

自序

自太平洋戰事爆發後，因居上海，重修舊學，每有感情，輒發於詩詞，工拙固不計也。茲順友好之意，自存稿二百餘首中，選其有關於時事及民生者五十首，付梓問世，以求見正於當代大雅也。

民國三十四年雙十節慶祝勝利日

桂中樞書於待旦樓

待 旦 樓 詩 詞 稿

有感
 殊馨
 詠月
 七七
 墨索里尼
 收棉紗
 南京廣裕中日聯盟
 觀「小月仙」有感
 經鐵柵入南市
 憶秦娥
 汪精衛逝世
 希特勒
 除夕即事
 暴病中口號
 偶吟
 國父祭辰憶舊
 羅斯福逝世

憶秦娥
 憶江南
 詞笑令
 憶江南
 舊金山會議
 滿江紅
 水調歌頭
 懷鄉
 墨索里尼
 公理
 菩薩蠻
 聞雷
 長相思
 憶秦娥
 雞香
 政府
 興亡

菩薩蠻
 口占
 望塵
 近東
 波蘭
 滿江紅
 黎敘
 滿江紅
 防空壕
 賴伐爾
 熱水
 人力車夫
 聞敵降訊
 和平賞月
 黨國
 八一三

待旦樓詩詞稿

桂中樞

有感 三十二·六·二日·

寧自矜名節·何愁兩袖風·求全終有毀·宿志竟成空·
世亂難干祿·心閒易固窮·妻孥繞席坐·共讀書齋中·

詠蠶

三十二·六·二十日·某君來勸出任·婉言謝絕·
時日商正集巨資在浙省收贖·因以蠶自喻·

春蠶嬾吐絲·箔蔕且栖遲·豈是初心改·催繅更有誰·


詠月

三十二·六·廿一日·以月喻陪都·

房深不見月·臥看床前光·心隨月影轉·西望路茫茫·

七七 三十二·七·七日·

風蕭蕭·星寥寥·七月七日蘆溝橋·蘆溝橋·英魂號·
昔日戰場今蓬蒿·蓬蒿復生又復死·國仇綿綿何時已·
何時已·夜繼晷·勾踐忍辱終雪恥·終雪恥·思壯士·
披甲臥薪雞鳴起·雞鳴起兮將若何·不滅殘敵不息戈·



墨索里尼 三十二·八·一日

威名震一世，霸業失三空(1)。
咎自征非取，途因抗美窮。
黑衫成幻夢(2)，紫綬棄悲風。
十載烟雲裏，千秋笑罵中。

(1)「三空」後漢書「陳蕃諫桓帝曰：『當今之世，有三空之危。』」
田野空，朝廷空，倉庫空。(2)「黑衫」指英國黨言(Black Shirts)。

收棉紗 三十二·八·十一日

聞說收棉紗，配分貧苦家。
棉紗如食米，俱是鏡中花。

南京廣播中日聯盟 三十二·八·十一日

近衛曾云：「Japan will bear China down to her knees」三句故云。

同盟此日驚全市，巧語千言愧喘牛。
奇恥何如「曲膝」恥，國仇更勝戴天仇。

觀「小鳳仙」有感 三十三·一·六日

仙名冠北里，身世成南柯。
鳳質人中少，鶯啼枕側多。
寸心歸一士，斗膽對羣魔。
舊事今回首，鬚眉愧若何。

經鐵柵入南市 三十三·四·廿六日。

一柵通南市·千愁湧客心·昔誇甲第富·今弔蓬蒿深·
路闢稱車馬·枝低多乳禽·由來爭戰地·那忍幾回臨·

憶秦娥 三十三·八·十三日。

申江夕·風鳴鶴唳風聲急·風聲急·三軍一氣·誓除
殘敵·血滅焦土屍盈溢·烟彌曠野天無色·天無色·
忠魂永照·大江南北·

汪精衛逝世 三十三·十一·十二日。

身投革命威名起·錯鑄和平大節傷·獨犯清廷歌易水·
承歡倭寇渡重洋·經綸滿紙因人廢·傀儡存心欲國亡·
誰意昊天偏眷顧·竟全身首免刑場·

希特勒 三十四·二·五日·

一匱功虧九仞傾·家亡國破誤窮兵·東西轉戰獨夫勇·
遐邇同仇衆目瞪·墨跡未乾盟已毀·邊疆方劃蒙重生·
霸圖無厭全功棄·大地茫茫何處行·「厭」讀去聲·

除夕卽事

三十四·二·十二日·今聞某公司解僱童工·消息一出·竟有啼泣不敢回家者·

干戈未息又迎春·一戶歡欣萬戶曠·幾許童工今解僱·
隱啼不敢報雙親·

暴病中口號

三十四·二·廿四日·左足忽中毒·頗危·

此路難能阻·一行萬事休·但願蓋棺日·魂飛斬賊頭·

偶吟

三十四·二·廿五日·

兒健能防老·妻賢不患貧·仰羨琴書樂·俯辭名利人·

國父祭辰憶舊

三十四·三·十二日·民國八年夏·余因山東(時英文宣傳稱為聖地·因孔陵所在)問題來申·承國父贈「知難易行」一書。

廿五年前逢國難·申江幾度聆弘音·每思「聖地」染夷指·輒憶危辭警衆心·書贈「知難」寓意遠·黨標革命憂時深·于今五族同哀祭·引領陵園柏已森·

羅斯福總統逝世 三十四·四·十三日·

日月無光神鬼哭·大星遽落風悲鳴·高揚義幟誅公敵·遠促雄師弔衆生·捷報頻傳天欲曙·遺謨廣著國尤榮·思深再造萬邦頌·自古偉人第一名·

憶秦娥 三十四·四·十三日·前題·

元勳殁·功高蓋世功難滅·功難滅·年年此日·庶民啼血·太平洋上烽烟烈·遺威浩蕩三軍捷·三軍捷·白宮光燦·萬邦和協·

憶江南 三十四·四·十四日·憶故鄉四川。

思故園·曾作夢中遊·峽水帶愁留不盡·山猿啼恨死方
休·何事自尋憂·

調笑令

三十四·四·十五日·以月喻陪都·時欲離申未果
末句故云·

明月·明月·半由薄雲遮缺·光殘還照愁顏·夜永衣寒
影單·單影·單影·樓外風高露冷·

憶江南

三十四·四·二十日·希特勒生日·代擬·

休上壽·亡國在頃俄·昔日稱觴千客少·今宵共飲一夫
多·來歲更如何·

舊金山會議

三十四·四·廿四日·

列國齊攜手·金門萬象新·軍聯先去暴·道合復成仁·
強弱如同氣·東西若比鄰·和平應永奠·莫負自由神·

滿江紅 三十四·四·廿五日·舊金山會議·

約國星軺·方會萃，金山古驛·滿懷着，匡時大計·
締盟長策·沐雨櫛風無晝夜·超山越海忘眠食·歎如今
大地盡瘡痍·憂心急·傷離亂·咽喉塞·恨侵略·
鬚毛立·看太平洋上·柏林城側·萬丈光芒寒賊膽·
三軍功績昭天日·望列強，振臂創新聲·懸戈戟·

水調歌頭 三十四·四·廿七日·

兵患幾時了·劫數似環連·可憐宇內黔首無計返家園·
正想焚香問卜·又怕沿牆有眼·暗笑是狂顛·不若自尋
樂·竟日只貪閒·飯三頓·書一卷·意絲絲·無求便
覺身滿心廣似鬢年·歲有秋冬春夏·命有窮通貴賤·弄
巧也徒然·但望酒長有·夜夜醉中眠·

懷 鄉 三十四·四·廿九日。屢欲回川未果。未句疑云。

今夜中江月。故臨蜀客樓。心隨雲影逝。情共浪花浮。
倦鳥歸巢寂。雄駒繫棧愁。憐身似峽水。入海難回流。

墨索里尼被殺

三十四·五·二日。墨氏改裝欲逃。被擒處死刑。屍棄于市。

貪功不惜全軍歿。失勢猶思一己生。眾怒難逃屍棄市。
何如殉節獄中榮。
未二句一作：「微服被擒屍棄市。萬方恥聽懦夫名」。

公 理 三十四·五·二日。

公理如流水。強權似浪花。浪花起復滅。流水到天涯。

菩 薩 蠻 三十四·五·五日。

春城寂寂街燈熄。月光慘淡人同惜。莫學月多情。有情
愁又生。露凝窗外密。手試玻璃濕。隨手寫新歌。
感時辭最多。

聞 雷 三十四·五·十日·

轟轟聞遠地·不識是何聲·兒驚炸彈響·妻說夏雷鳴·

長 相 思 三十四·五·十七日·再擬韓中·

夜清清·露盈盈·夢裏歸心隨月行·一程難一程· 燭
冥冥·影煒煒·樓外孤蟬先客鳴·一聲哀一聲·

憶 秦 娥 三十四·五·十九日·冲繩島戰·代日軍擬·

烽烟急·冲繩殺氣冲雲日·冲雲日·溝填餓殍·巷盈殘
疾· 山崩地裂乾坤闢·風鳴雷吼神魂泣·神魂泣·
生焉孰怨·逝焉誰惜·

雞 香 三十四·五·廿二日·口占嘲兒輩·

窗開通富室·風送賚雞香·已盡望梅興·何須親口嘗·

政 府 三十四·五·廿四日·

政府如清池·人民似近景·景佳池亦佳·池動影難靜·

興 亡 三十四·五·廿七日

半世風雲掩日月·興亡反覆俱離奇·德驕失勢降無路·
義弱知機和得時·倭寇乍騰旋鼠竄·聯軍徐起正龍馳·
一盤殘局隨天演·自古霸權難久持·

菩 薩 蠻 三十四·六·一日

朔風吼吼如潮怒·塞沙漠漠迷歸路·欲向夕陽行·遠天
長幾程·一行重佇立·手撫金刀泣·故國永相違·
只留魂獨歸·

口 占 三十四·六·二日

滿樓書紙筆·數載供酣歌·無限憂歡事·相知獨最多·

望 塵 三十四·六·三日

寰球四列強·中國齊肩立·自况美蘇英·望塵尚難及·

近東 三十四·六·三日· 註見本頁末「黎敘」一首

爭端釀近東·英法窮機密·反顧國危時·不寒亦應慄·

波蘭 三十四·六·三日·

波蘭兩政權·分向英俄訴·何事自相煎·國亡曾幾度·

滿江紅 三十四·六·三日·

一片荒園·觸目是·牽藤腐葉·更難忍·臺空鳳去·
景非風晰·戲蝶遊蜂忘命舞·殘紅弱絮憂風擷·勝一灣
溪水滿青萍·長漂沒·笙歌處·苔痕滅·瓊筵地·
蛛絲結·歎鵲巢鳩篡·免窠狐竊·破瓦碎磚橫畫棟·
斷垣頽壁環雕闌·莫再思·車水馬龍時·重淒切·

黎敘

三十四·六·四日·黎(Lebanon)敘(Syria)久為英法所覬覦·
昔金山會議時·忽起糾紛·幾致興兵·

金山一面倡和平·黎敘爭端一面生·英法何為時反覆·
遠彈高調近談兵·

滿江紅

三十四·六·六日。今晨聞人云：二十年前，某婦犯罪入獄，時已有孕，竟在獄中產一女，因無親屬認領，遂自撫養，後蒙大赦，母女出獄，女年已十八，但久受鞭楚，神弱胆小，見離犬輒懼，可謂慘矣。

少婦何知。方失足，便遭縲紲。最淒慘，禍胎遺腹。
藕絲難絕。吏仗嚴刑凌薄命。天生孤女留餘孽。恨無人
收養自扶持。空心血。飢寒至。娘聲咽。歲月逝。
兒鬢結。忽赦寬囚犯。影離牢穴。母解鎖鐐傷骨挫。
女聞雞犬驚心懾。細回思，一罪兩人當。腸千折。

防空壕

三十四·六·六日。

炸彈投來何處逃。沿街掘有防空壕。形如小桶僅容膝。
保命還須命運高。

賴伐爾

三十四·六·九日。(Pierre Laval)

邦危降敵敵偏亡。猶想偷生逃異鄉。如今祖國慶光復。
引渡囚歸愧貝當。

熱水 三十四·六·廿四日。

燃薪售熱水。挑送日當頭。一戶圖身爽。幾人苦汗流。

人力車夫 三十四·六·廿五日。

光頭赤足挾車馳。冒暑衝寒俱不辭。飽嘗人世風塵味。

日日辛勞日日飢。

聞敵降訊 三十四·八·十一日。

夜闌聞捷訊。一念一揚眉。痛飲待天曉。重懸舊國旗。

八二三 三十四·八·十三日。

申江一炬放光芒。捍衛中原士氣昂。善退何愁三舍遠。

反攻豈憚十年長。忠昭日月存天祚。血染山河奠國疆。

追念英雄思往事。凝神長望薦清觴。


和平賞月 三十四·八·廿一日。

八載烟雲裏。百回傷月圓。今夜山河靖。清輝分外妍。

國 三十四·九·廿五日·

黨國重興添錦色·一清殘敵除腥羶·立功壯士垂青史·
全節蒸民睹曙天·風送凱歌盈宇內·光翻義幟接雲顛·
百年奇恥隨秋盡·公理於今勝霸權·

末二句一作：「八年雪盡百
年恥·公理從茲勝霸權」·



卅六年二月十三日

中國評論週報社贈

樓旦待

稿詞詩

定價每冊國幣二十元

著作人

桂

中

樞

出版者

中國評論週報社

山東路二五五號

電話九〇〇八六

印刷者

藝

文印刷局

上海嘉善路一八五號

電話七二二二〇

中華民國三十四年雙十節勝利慶祝日印行

1182-

449154

中國
平
端